



TITEL	E ASTONESERE POKLONJA
REŽIJA	Uzi Geffenblad & Lotta Geffenblad
BERŠ	2012
DLOGO	9 minutija
PHUV	Švedska
REK KOTAR BERŠ	3 berš
FILMESIRI INSTRUKCIA	Nina Nykvist

LITERALNO MODELI

"ASTONS PRESENTER" KOTAR LOTTA GEFFENBLAD
PUBLICISTA: BONNIER CARLSEN

ŠTAMPIMI VERZIA KOTAR
WWW.FILMCENTRUM.SE

PARAMIZ

Resaja e dučhelje e Astone akala bršimalje dive, hari angljeder oljesoro bijando dive.

O Aston đaćeri te ovel sasto hem te ovel oljesoro bijando dive. Đi đaćeri, o Aston čerela pake-tija – sa e čheresere buča ovena pakujime; o lon, i četka, čak hem i šolja ko čenefi!

Ko oljesero bijando dive o Aston dobini jekh bicikla. Hem ki pošta avela pana jekh poklon: jekh zmaj so šaj te ljetini. Ama, avrijal perela pana bršim, odoljese o Aston valjani pana te đaćeri. Ko paketi kotar zmaj hine jekh phal! Odi ja phal o Aston šaj te ljel peja ko dagis hem te čheljel pese sar mangela. O bršim ked činavđa te perel celo familia đelji ko piknik. O tata hem o Aston vazdinđe o zmaj upre, a i mama bašalji gitara. Ama, e Astonestar činđola o thav hem o zmaj ačhola ko jekh kaš hem phađola. O tata perela mazumi hem Aston dela oljese jekh paketi: Kotar phal so ačhilji ando zmaj, čerđe jekh tikno brodo so šaj te mukhen olje ko pani. ”i phal tani but šukar, oj našti te ruminđol” phenela o Aston.

INTRODUKCIA ANGLJEDER O FILMI

Nalji but interesantno te ovel to bijando dive? Hem o Aston phenela odova. Ov đaćeri te dobini poklonija hem disave poklonija čerela kokri. But poklonija ka ovel ...

E FILMESIRI TEMA

O bijando dive tano jekh but baro fenomeni e čhavorese. O dive ked avela paše, but bari drama ovela. O Aston našti te đaćeri hem odoljese čerela kokri pese poklonija. O bijando dive ked alo, o Aston čače dobini o šuže poklonija – šaj *but* šuže. I bicikla hem o zmaj našti te ikalji pe ko bršim, sebepi o zmaj šaj direktno te phađol. Ama, o Aston dikhela poklon ko diso so i daj hem o dad bisterđe, hem o poklon ovela but šužo.

KEDA HEM SOSE DAJA POKLON

Sose daja poklonija?

Keda čeraja odova? Isi li disave avera dive ked valjani te da đikase poklon?

Soj pošukar, te dobine, da li te de poklon?

O Aston dinđa pe tatase jekh poklon, ked oljesoro tata ulo mazumi.

Šaj li paljem te ove bahtalo, palo so dobinđan poklon? So mislineja soy o sebepi so o tata ulo but bahtalo, sebepi o brodo da li sebepi so tano o Aston but šukar đhavo?

Dijekhvar o manuš ovela bahtalo ando jekhvar: i phal hine samo jekh tikno delo kotar o zmaj, ama paljem o Aston manglja odova najviše. *Ičereja li ki godi so čerđa olaja? So šaj hine pana te čerel pe olaja? So šaj te čere avere bučencar so isi tut ano čer? Kanglji, četka, guma....?*

Čhel tuče e čheresere bučencar celo jekh dive; čer jekh diz ja jekh čer kaj so šaj te bešen hem te arakhen jekh anav, karakterija, karakteristike.... Jekh totalno nevo čhelibe!

DILABAJA KO BIJANDO DIVE

Savi đilji đilabena ko bijando dive? Save đilja đanena te đilaben? Ko save čhibja đanena te đilaben?

E Astonesiri daj đilabđe i Švedsko đilji "Ja mã han leva" ki đučheljengiri čhib. *Sar ka šunđol hine o mačke te đilaben ki mačkengiri čhib? Hajde probin tu te đilabe ki đučheljengiri hem mačkengiri čhib!*

ANDRE ANO PAKETI

Lje paketi hem čhiv andre so mangeja. Akana valjani te pogodineno o čhavore so isi andre ano odova paketi.

Šaj te čere kokri o papirija te učhare o paketi. Odova šaj te čere kotar purane novine ja kokri te crtine hem te farbine.

